

Allannguutissatut siunnersuut  
uunga

**Siunnersuut uunga: Naartunermi, meerartaarnermi qitornavissiartaarnermilu sulinngiffeqarneq ullormusiaqarnerlu pillugit Inatsisartut inatsisaat nr. xx, xx-imeersoq**

Naalakkersuisunit aappassaanneerneqarnissaanut saqqummiunneqartoq.

§ 14-imut

**1. Imm. 1 imatut oqaasertalerneqassaaq:**

”Meeqqanut inuuusuttunullu ikorsiisarneq pillugu Inatsisartut peqqussutaat naapertorlugu meeraq pingasut inorlugit ukiulik ilaqtariinnut paaqqutarineqartussanngortillugu inissineqarpat, kommunalbestyrelserip aalajangersinnaavaa, angajoqqaarsianngortunit ataaseq meeqqap tiguneqarneranut atatillugu sulinngiffeqassasoq.”

§ 19-imut

**2. Imm. 3 imatut oqaasertalerneqassaaq:**

”Soraarumeernermut peqataanissaq akuersaarneqarsinnaavoq, sulinngiffeqarneq kipitiningikkaluarlugu.”

**3. Imm. 4 atorunnaarpoq.**

§ 25-imut

**4. Imm. 2 imatut oqaasertalerneqassaaq:**

”Ullormusiat aningaasartaasa annertussusiat isumaginninnikkut aningaasanngorlugit ikorsiissutaasartut pillugit kaajaallaasitami takuneqarsinnaavoq, taakku Isumaginninnermut Naalakkersuisoqarfimmit ikinnerpaammik ukiumut ataasiarlugit saqqummersinneqartarpuit. Kaajallaasitaq Naalakkersuisut nittartagaasigut tamanut saqqummiunneqassaaq.”

§ 45-imut

**5. Imm. 1 imatut oqaasertalerneqassaaq:**

“Inatsisartut inatsisartaat manna 1. marts 2010 aallarnerfigalugu atortuulerpoq.

Siunnersummut oqaaseqaatit

**Nalinginnaasumik oqaaseqaatit**

Inatsisartut inatsisisattut siunnersummut allannguutissatut siunnersuutip saqqummiunneqarnera pissuteqarpoq Inatsisitigut teknikkikkut Ingerlatsiviup inatsisisattut siunnersummut inatsit teknikkikkut pillugu allakkiaqarnera pissutigalugu.

Allannguutissatut siunnersuut inatsit teknikkikkut misissuataarneqarnikuuvooq.

Inatsisissatut siunnersuutip aningaasaqarnikkut kingunissai:  
Inatsisissatut siunnersuutip aappariittut nalunaarsorneqarsimasut meerartaarnermi ullormusianik pissarsisinnaanissamut periarfissimmagit, Isumaginninnikkut Naalakkersuisoqarfiusalilernavaa, tamatumunnga aningaasartuutit annikitsuararsuussasut.  
Aningaasartuuteqarnerusinnaaneq aningaasaliissutit immikkoortitat iluanni akilerneqarsinnaavoq.

### **Aalajangersakkanut ataasiakkaanut oqaaseqaatit**

*Nr. 1-imut*

Imm. 1 pillugu

Aalajangersagaq nutaaajuvoq aalajangersarlugulu, meeqqanut inuusuttunullu ikorsiisarneq pillugu Inatsisartut peqqussutaat naapertorlugu meeraq pingasut inorlugit ukiulik ilaqtariinnut paaqqutarineqartussangortillugu inissinneqarpat, communalbestyrelserip aalajangersinnaagaa, angajoqqaarsianngortunit ataaseq meeqqap tiguneqarneranut atatillugu sulinngiffeqassasoq.

Naartunermi, meerartaarnermi qitornavissiartaarnermilu sulinngiffeqarneq ullormusiaqarnerlu pilligit Inatsisartut peqqussutaanni atuuttumi ilaavortaaq, angajoqqaarsiat meeqqamik angerlarsimaffimminni tigusinerannut atatillugu sulinngiffeqarnissaat aalajangissallugu periarfisaqartoq.

Aalajangersagaq ilanngunneqarsimavoq meeqqap angajoqqaarsiaasullu piffissaqarnissaat qulakkeerniarlugu, meeqqamut angajoqqaarsiamilernermini toqqisisimanissaq pilersissinnaajumallugu.

Piumasaqaataavoq, paqqutarinninnissamik inissiineq sivissussuseqassasoq sivikinnerpaamik ukiumik ataatsimik, takuuk imm. 3.

*Nr. 2-mut*

Imm. 3 pillugu

Aalajangersagaq nutaaajuvoq aalajangersarlugulu, soraarummeernermut peqataanissaq akuer-saerneqarsinnaasoq, sulingiffeqarneq kipitinngikkaluarlugu. Taamaalilluni periarfissiisoqarpooq soraarummeernermi peqataanissamut meerartaareernerup kingorna piffissaq apeqqutaa-tinnagu.

Aalajangersagaq ilanngunneqarsimavoq periarfissiiniarluni ilinniagaqarnerup ingerlatiin-narnissanut, taamaalilluni piffissaq ilinniagaqarfiusoq sivitsorneqarani meerartaarnermi sulinngiffeqarnerup nalaani soraarummeernermut peqataanerinnaq pissutigalugu.

*Nr. 4-imut*

Imm. 2 pillugu

Aalajangersagaq nutaajuvoq aalajangersarlugulu, ullormusiat aningaasartaasa annertussusiat isumaginninnikkut aningaasanngorlugit ikorsiissutaasartut pillugit kaajaallaasitami takune-qarsinnaasut, taakku Isumaginninnermut Naalakkersuisoqarfimmit ikinnerpaammik ukiumut ataasiarlugit saqqummersinneqartarpuit. Innuttaasut ullormusiat aningaasartaasa annertussiat pillugu paasiniaasinnaanerat qulakkeerniarlugu, kaajallaasitaq Naalakkersuisut nittartagaa-sigut tamanut saqqummiunneqassaaq.

*Nr. 5-imut*

Imm. 1 pillugu

Piffissaq atortuulersitsivik 1. marts 2010-iussaasoq aalajangersakkut tassuuna erseqqissarneqarpoq.